

## NOTA INFORMATIVA

PROTECCIÓN DE DATOS.- Para os efectos previstos no artigo 5 da Lei orgánica 15/1999, do 13 de decembro (BOE do 14-12-1999), de protección de datos de carácter persoal, informámolo de que os datos consignados no presente modelo serán incorporados ao Fichero Xeral de Afiliación, regulado pola Orde do 27-07-1994. Con respecto aos citados datos poderá exercer os dereitos de acceso, rectificación e cancelación, nos termos previstos na indicada Lei orgánica 15/1999.

### PRAZOS DE PRESENTACIÓN E EFECTOS DA SOLICITUDE

#### RÉXIME ESPECIAL DE TRABALLADORES POR CONTA PROPIA OU AUTÓNOMOS

##### TRABALLADORES QUE ANTES DA SOLICITUDE DE CAMBIO DE BASE DE COTIZACIÓN NON ESTIVISEN COTIZANDO POLA BASE MÁXIMA

As solicitudes de cambio de base de cotización deben presentarse antes do día primeiro de outubro de cada ano. A base de cotización elixida terá efectos dende o día 1 de xaneiro do ano seguinte á data da solicitude.

##### TRABALLADORES QUE ANTES DA SOLICITUDE DE CAMBIO DE BASE DE COTIZACIÓN ESTIVISEN COTIZANDO POLA BASE MÁXIMA PERMITIDA ATA ESE MOMENTO

Os traballadores do réxime especial de traballadores por conta propia ou autónomos que, na data de producir efectos as novas bases de cotización establecidas anualmente, optasen polas bases máximas permitidas ata ese momento poderá elixir, ata o último día do mes seguinte ao da publicación da orde pola que se desenvolven anualmente as normas de cotización á Seguridade Social, desemprego, fondo de garantía salarial e formación profesional, calquera base de cotización das comprendidas entre aquela pola que viñese cotizando e o límite máximo que lles sexa de aplicación. A nova base de cotización producirá efectos dende o día 1 de xaneiro do ano da solicitude.

#### RÉXIME ESPECIAL AGRARIO TRABALLADORES POR CONTA PROPIA

O establecido anteriormente para os traballadores por conta propia ou autónomos será de aplicación para os traballadores incluídos na sección do censo do réxime especial agrario correspondente aos traballadores por conta propia a partir do 1 de xaneiro de 2004 e aos anteriores que opten por acollerse a este sistema de cotización antes do 1 de outubro de cada ano (disposición adicional trixésima sexta da Lei xeral da Seguridade Social).

#### CONVENIOS ESPECIAIS

**Traballadores acollidos á Orde do 18-7-1991:** a elección da nova base de cotización solicitaraa o/a interesado/a dentro do prazo que finalizará o último día do mes natural seguinte a aquel no que entre en vigor a correspondente disposición modificadora das bases mínimas de cotización, e producirá efectos dende a data de vixencia da citada modificación.

**Traballadores acollidos á Orde TAS/2865/2003:** as solicitudes de cambio de base de cotización deben presentarse antes do día primeiro de outubro de cada ano. A base de cotización elixida terá efectos dende o día 1 de xaneiro do ano seguinte á data da solicitude.

### INSTRUCCIÓNS PARA CUBRIR O MODELO

#### XERAIS

- O documento deberá cubrirse a máquina ou con letras maiúsculas, sen emendas nin riscadas.
- Os espazos sobre fondo gris debe cubrilos a Administración da Seguridade Social.

#### ESPECÍFICAS

##### 1. DATOS DO SOLICITANTE

- 1.1. Tipo de documento identificador.**- Marque cun "X": documento nacional de identidade -DNI-, tarxeta de estranxeiro ou pasaporte.
- 1.2. Número do documento identificador.**- Reflectirase o número do documento identificador. Se se trata de tarxeta de estranxeiro, anotarase o número de identificación de estranxeiro (NIE).

##### 3. INCREMENTO AUTOMÁTICO DA BASE DE COTIZACIÓN

**3.1. Traballador que teña a base máxima do réxime especial ou a base máxima para traballadores maiores de 50 anos.**- Os traballadores que estean cotizando por calquera das bases máximas destes rexímenes especiais poderán solicitar que, mentras manteñan a súa situación de alta, a súa base de cotización se incremente na mesma porcentaxe na que se aumenten as citadas bases máximas.

**Traballador que non teña calquera das bases máximas do réxime especial.**- Os traballadores que non estean cotizando por calquera das bases máximas poderán solicitar que, mentras manteñan a súa situación de alta, a súa base de cotización se incremente automaticamente na mesma porcentaxe na que se aumenten as bases máximas de cotización nestes rexímenes especiais. En ningún caso a base de cotización elixida poderá ser superior ao tope máximo de cotización que poidese afectar ao traballador.

**3.2. Só para incremento de convenios especiais aos que lle sexa de aplicación a Orde TAS/2865/2003.**- Só se poderá optar por este incremento naqueles convenios nos que a base media sexa superior á mínima do réxime especial de traballadores por conta propia ou autónomos.

Calquera destas opcións que se exercite antes do día primeiro de outubro de cada ano terá efectos dende o día 1 de xaneiro do ano seguinte á data da solicitude. A renuncia a esta opción poderase realizar no mesmo prazo e terá efecto dende o 31 de decembro do ano no que se presente a solicitude.

##### 5. DATOS PARA A DOMICILIACIÓN DO PAGAMENTO DE COTAS

Mediante a domiciliación do pagamento de cotas, a Tesourería Xeral da Seguridade Social efectuaralle unha orde de débeda ao seu banco ou caixa para o pagamento das súas cotizacións en período voluntario. Esta domiciliación só é válida para o pagamento das cotizacións en período voluntario e regularizacións por variación dos tipos ou bases regulamentarios, nunca para o pagamento de atrasos.

O seu banco ou caixa cobraralle o importe na conta que vostede lle indique, e o último día do mes é a data na que precisa ter a provisión necesaria de fondos. A Tesourería Xeral da Seguridade Social informarao da primeira mensuralidade que lle será cargada na conta, e estará vostede obrigado ao pagamento das cotas mensuais anteriores a tal mes mediante o boletín de cotización correspondente que a Tesourería Xeral da Seguridade Social lle subministrará.



### XUSTIFICANTE DE SOLICITUDE DE CAMBIO DE BASE DE COTIZACIÓN (TA.4005-G)

Coa data que se indica neste documento tivo entrada, no rexistro desta Administración da Seguridade Social, a solicitude cuxos datos figuran a continuación:

APELIDOS E NOME

N.º DE SEGURIDADE SOCIAL DO/DA TRABALLADOR/A

RÉXIME OU CONVENIO ESPECIAL

TA.4005-G (xustificante)  
(27-12-2006)



A Administración da Seguridade Social competente para tramitar a solicitude de cambio de base de cotización é a que se indica neste documento.

**PRAZO DE RESOLUCIÓN:** o prazo máximo para ditar e notificar a resolución sobre a presente solicitude será de tres meses, contados a partir da data da súa entrada no rexistro da Dirección Provincial da Tesourería Xeral da Seguridade Social ou Administración da Seguridade Social competente para a súa tramitación. O prazo indicado poderá ser suspendido cando deba requirirse a emenda de deficiencias e a presentación de documentos e outros elementos de xuízo necesarios, así como no resto dos supostos do art. 42.5 da Lei 30/1992, do 26 de novembro, de réxime xurídico das administracións públicas e do procedemento administrativo común. Transcorrido o citado prazo sen que recaia resolución expresa, a solicitude poderá entenderse estimada, o que se lle comunica para os efectos do establecido no artigo 42.4 da Lei 30/1992.



### EMENDA E/OU MELLORA DA SOLICITUDE DE CAMBIO DE BASE DE COTIZACIÓN (TA.4005-G)

A solicitude de cambio de base de cotización cuxos datos figuran a continuación non reúne os requisitos establecidos polo artigo 70 da Lei 30/1992, do 26 de novembro, de réxime xurídico das administracións públicas e do procedemento administrativo común, polo que non se pode ditar resolución expresa no mesmo acto da presentación da solicitude.

APELIDOS E NOME

N.º DE SEGURIDADE SOCIAL DO/DA TRABALLADOR/A

RÉXIME OU CONVENIO ESPECIAL

De conformidade co establecido no art. 71 da Lei 30/1992, nun prazo de DEZ DÍAS, o/a solicitante deberá emendar a falta que se indica e/ou acompañar os documentos que se relacionan.

TA.4005-G (emenda)  
(27-12-2006)



A Administración da Seguridade Social competente para tramitar a solicitude de cambio de base de cotización é a que se indica neste documento.

Se non se emendase a falta ou non se entregasen os documentos solicitados, entenderase que desiste da súa petición, e dítase a correspondente resolución.

**PRAZO DE RESOLUCIÓN:** o prazo máximo para ditar e notificar a resolución sobre a presente solicitude será de tres meses, contados a partir da data da súa entrada no rexistro da Dirección Provincial da Tesourería Xeral da Seguridade Social ou Administración da Seguridade Social competente para a súa tramitación. O prazo indicado poderá ser suspendido cando deba requirirse a emenda de deficiencias e a presentación de documentos e outros elementos de xuízo necesarios, así como no resto dos supostos do art. 42.5 da Lei 30/1992, do 26 de novembro, de réxime xurídico das administracións públicas e do procedemento administrativo común. Transcorrido o citado prazo sen que recaia resolución expresa, a solicitude poderá entenderse estimada, o que se lle comunica para os efectos do establecido no artigo 42.4 da Lei 30/1992.